


Harian Metro (26 Feb 2016)

Calon saintis Islam



MOHD Effendy (tujuh belakang) bersama peserta pada Majlis Perasmian Penutup Program Saintis Islam Terengganu Kohort II dan Transformasi Minda Psikospiritual Remaja 2016

■ Pakar UMT, UniSZA bangun 10 modul cangkil kebolehan peserta

Oleh Ahmad Rabiul Zulkiffi
am@hmetro.com.my
Kuala Nerus

Seramai 11 pelajar cemerlang dari Sekolah Menengah Imtiaz Yayasan Terengganu di negeri ini antara calon saintis Islam yang akan dilahirkan kerajaan negeri dalam tempoh 10 tahun ini.

Semua pelajar yang berjaya menghafaz 30 juzuk



MOHD Effendy (dua kiri) menyampaikan sijil kepada wakil setiap Modul pada Majlis Penutup Program Saintis Islam Terengganu Kohort II dan Transformasi Minda Psikospiritual Remaja 2016.

al-Quran itu menyertai Program Saintis Islam Terengganu Kohort II dan Transformasi Minda Psikospiritual Remaja 2016 di Universiti Malaysia Terengganu

(UMT) sejak sebulan lalu. Timbalan Naib Canselor (Penyelidikan dan Inovasi) UMT Prof Dr Mohd Effendy Abd Wahid berkata, 10 modul utama digunakan dalam

program itu bagi memberi pendedahan selain mencangkil kebolehan peserta.

"Sekumpulan pakar dari UMT turut bekerjasama dengan pakar dari Universiti Sultan Mizan Zainal Abidin (UniSZA) untuk membangunkan 10 modul yang digunakan pada program itu.

"Antara modul yang digunakan adalah Modul Apresiasi Ketamadunan Islam dan Kenegaraan, Modul Integrasi Minda Quranik dan Saintifik, Pengembangan Daya Fikir dan Intelektual, Pemantapan Jati Diri Psikospiritual, Komunikasi dan Dominasi Bahasa, Modul Kecergasan Fizikal dan Pemakanan Rasulullah, Modul Penerokaan

Sains dan Matematik, Aplikasi Sains dan Teknologi serta Keusahawanan dan Modul Eksplorasi Kerjaya," katanya selepas Majlis Penutup Program Saintis Islam Terengganu KOHORT II dan Transformasi Minda

FAKTA

Kerajaan berhasrat lahir saintis Islam Terengganu dalam tempoh 10 tahun

Psikospiritual Remaja 2016, di sini, semalam.

Turut hadir, Pengarah Yayasan Terengganu Mohammad Sulong dan Pengarah Jabatan Kebajikan Masyarakat Terengganu Mohammad Nasir Suratman.

Menurut Mohd Effendy, pembangunan dan penggunaan modul itu dapat membantu kerajaan mencapai hasrat melahirkan saintis Islam Terengganu dalam tempoh 10 tahun.